

16



MEDICATIO MULIERIS
 EX
H E M I P L E G I A
 P A R A L Y T I C Æ:

Q V A M

Deo Opt. Max. auxiliante,

P R Æ S I D E

V I R O C L A R I S S I M O

D. HENRICO REGIO,

Reip. Ultrajectinæ Poliatro, & Medicinæ
 ac Botanices Professore Ordinario,

Publico examini subicit

IOHANNES GUALTERUS, Amstelo-Bat.

Ad diem 26. Aprilis, horâ 9. matutinâ.



Naturâ & Industriâ.

TRAJECTI ad RHENUM,
 Apud PETRUM DANIELIS SLOOT,
 ANNO M. DC. XLV.



Optimo & integerrimo Viro,
D. CORNELIO BETH
patri suo omni observan-
tia colendo.

D. HENRICO REGIO,
Reipublicæ Ultrajectinæ Medico
ordinario, Medicinæ & Botani-
ces in Academia Trajectina Pro-
fessori.

D. IACOBO RAVENSBERG
L. A. M. & in Acad. Ultraject. Matheſeos
Professori.

Præceptoribus suis plurimum de studiis suis
meritis, & etiamnum merentibus:

*Disputationem hanc in grati animi
signum*

Offert

JOHANNES GUALTERUS
Respond.

MEDICATIO MULIERIS
 EX
 HEMIPLEGIA
 PARALYTICÆ:

THESIS I.

Mulier annos præter propter quinquaginta sex nata, pituitosa, diu alimentis humectantibus usa, matutino tempore, induculâ linteâ tantum vestita, è lecto, ad nescio quid in cubiculo accersendum, egressa, & ab aëre frigidiore non-nihil refrigerata, in lectum rediit; ibique post somnum per horas aliquot reiteratum evigilans, animadvertit totum suum latus sinistrum sensu & motu esse destitutum. Mens ipsi jam stupidi-or est, & solito inarticulatus loquitur. Alvum habet adstrictam. Latus affectum reliquo corpore est frigidius: & pulsus in eo languidior & solito minor. II.

Partes affectæ in hac ægra sunt cerebrum, ut patet ex mentis stupore: & lingua, quod indicat loquela inarticulatio: & porro altera pars medullæ spinalis, cum nervis inde orientibus, ut totius lateris sinistri affectus probat. Afficiuntur quoque omnes istius lateris arteriæ, ut docet pulsus ibi languidior. Atque etiam intestina, quia alvus est adstricta. Afficitur autem cerebrum & medulla spinalis primario: secundariò vero, seu per sympathiã, reliquæ partes affectæ.

III.

Morbus, qui eam affligit, est intemperies frigida & humida cerebri, & imprimis sinistrae partis medullæ spinalis; cum valvularum, in nervos oppositosque musculos spectantium, nimia flacciditate vel obstructione; & fibrillarum, in nervorum tubulis existentium, pressione vel nimia relaxatione, conjuncta: quæ, sensus & motus privationem in toto latere sinistro inducens, paralytis quædam dicitur, quæ *Hemiplegia* appellari solet.

D 3 causa

IV.

Causa procatartica hujus morbi, est usus diuturnus alimentorum humectantium & refrigerantium; quo in nostra ægra calor natus, per ætatem ingravescentem per se languens, valde est debilitatus, & magna copia pituitosorum humorum in toto corpore, & præsertim in capite, fuit collecta: quæ *antecedens* hujus morbi est causa. Hæc, ab aëris matutini, in corpore pæne nudo recepti, frigore, in cerebro condensata, & in alteram partem medullæ spinæ ac nervos prolapsa, causa ejus est *continens*; & omnium enumeratorum *symptomatum* scaturigo.

V.

Nam ab intemperie frigida & humida cerebri mens est stupidiior: quia spiritus hic sunt crassiores, & cerebrum torpidius, quam ut illa recte moveantur, quemadmodum rectus mentis usus desiderat. Pars hujus humoris, ad nervos & musculos linguæ delata, facit loquelæ inarticulationem. Ad nervum sextæ conjugationis, intestinis implantatum, dejecta, producit alvum adstrictam. Hinc enim intestina, quamvis ab excrementis sint stimolata, stimulationis motum in cerebrum deferre, illudque excitare; & cerebrum spiritus animales, ab ista stimulatione determinatos, & ad fæcum alvi evacuationem necessarios, in fibras intestinorum immittere, fæcesque exturbare, non possunt. Altera vero spinalis medullæ pars, intemperie humida & frigida: & nervorum inde orientium fibrillæ, pressione vel nimia relaxatione; valvulæque musculorum, nimia flacciditate vel obstructione laborantes, impediunt, quo minus spiritus animales in musculos, ad eos convenienter inflandos & movendos, alternatim à mente vel alia causa determinari, in eosque influere & refluere; ac nervorum fibrillæ motum sensoriis, ab objectis tangibilibus impressum, in cerebrum ad sensationem faciendam transmittere queant. Atque ideo *omnis motus & sensus* in sinistro latere hic est ablati. Quoniam autem humores multi frigidi, in hoc latere profusi, calorem naturalem ibi imminuunt, & arterias arctant; idcirco partes ibi sunt frigidiores, ac pulsus minor & languidior.

IV. Si ve-

VI.

Si vero, musculorum valvulis & meatibus sanis, solæ nervo- rum fibrillæ essent affectæ, ægra nostra nihil quidem tactu senti- ret, sed corpus tamen pro arbitrio posset movere. Quemad- modum, nervorum fibrillis bene habentibus, & vâlvulis meati- busque musculorum affectis, salvum habens sensum, solo motu esset destituta.

VII.

Neque hæ tres paralyseos species aliter ex aliorum quorun- dam sententiâ explicari posse videntur. Nam quod illi suppo- nunt, nequaquam est admittendum: etenim nulli sunt nervi mo- tui inservientes, qui non etiam sensui alicui ministrant; quod ipsa docet experientia. Nec spiritus alii sunt sensorii, alii motorii: cum omnes in ventriculis cerebri confundantur, & indiscrimi- natim in partes diffundantur. Nec sensus in nervorum mem- branis, motus vero in interiore eorum substantia consistit: hac enim ratione non possent diversæ objectorum impressiones, ad sensationem faciendam, satis commode in cerebrum usque pe- netrare; cum membranæ nervorum, à meningibus, cerebrum non ingredientibus, sed tantum involventibus, originem ducant.

VIII.

Morbus hic maximo conjunctus est *periculo*, tum propter ma- gnitudinē causæ, tum propter ætatem ægræ ingravescentem, tum propter nobilitatē & multitudinē partium affectarum. Difficul- ter itaq; curari poterit. Et metus est, ne materia morbifica, in ce- rebrum copiosius profusa, apoplexiam; vel ne, in dextram etiam spinalis medullæ partem prolapsa, paraplegiam inducat. Atque hinc fieri potest, ut ægra vel subito extingatur, vel reliquam vi- tam miserè traducat.

IX.

Sine ulla itaq; procrastinatione auspicanda est *Curatio*; quæ cau- sâ antecedentē & continentē auferet; intemperieq; cerebri & reli- qui corporis, per contraria, corriget

X.

Ante omnia itaque injiciatur talis Clyster:

R. *salviæ, majoranæ, bysopi, calamintæ, centaurei min. an. m. s. flor. camomill. meliloti, stechados an. m. s. agarici unc. s. Coq. in aq. com. ad lib. j. in qua dissolve*

D 3

bene



benedicta laxat, diaphenici an. drag. vj.

ol. lilior. vnc. j. salis com. drag. s.

F. Clyster: qui sæpius reiterari poterit;

Deinde utatur hoc potu per mensem integrum:

R. *hyssopi m. ij.*

salvia, majoranæ, rorismarini, an. m. j.

Coq. in aq. com. lib. ij, ad tert. partis consumt.

*Colaturæ adde mellis despumati vnc. ij. eaque aromatisetur
cinnamomi, nucis moschate an. drag. s.*

F. Apozema.

Interea corp^o alteretur & purgetur hoc decocto sequenti quotidie:

R. *rad. angelicæ, acori an. vnc. j.*

aristolochiæ rotund. vnc. s.

herb. majoranæ, salviæ, betonicæ an. M. j. s.

flor. stechados, rorismarini, lavendulæ an. p. ij.

*Coq. ex aq. com. ad lib. j. s. in quibus per noctem
infundantur fol. sennæ vnc. j. s. agarici drag. 2.*

rad. mechoacannæ scrup. iij.

cinnamomi. Zinsib. an. drag. j.

In Col. dissolve syr. de stechade, de hyssopo an. vnc. j.

F. Apozema.

Interdum etiam sumat has pilulas:

R. *pil. cochiar. aurear. an. drag. s.*

scammonii, trochisc. albandal. an gr. vj.

Cum syr. ros. sol. q. s.

F. Pilulæ. N. IX.

Corpore jam sæpius purgato, usurpet jejuna hos trochiscos ma-
sticatorios:

R. *nucis moscatæ, pyrethri, piperis albi an. drag. j.*

fol. hyssopi. drag. s. uvar passar. drag. j.

mastiches & mellis q. s.

F. Pastilli Mansiles.

Utatur quoque sternutatorio, ex tabaci, ellebori albi, & pyre-
thri pulvere, naribus inflato.

Ad

Ad cerebri & reliquarum partium Intemperiem corrigendam, hæc præscribatur mixtura:

℞. *cons. flor. salvia, flor. rorismarin.*
rad. acori condita an. unc. s.
nucis moscate, piperis, cariophyllor, an. scrup. ij.
syr. de stæchade q. s.

F. Conditum:

De quo dragmæ quantitatem post cibum sumat.

Partes paralyticæ, & præsertim tota spina dorsi, ubi corpus be-
 fuerit purgatum, mane fricentur pannis asperis, & deinde li-
 niantur hoc unguento calefacto:

℞. *Unguent. arragon., martiati,*
agrippæ an. unc. j.
ol. lumbricor. camomill. an. drag. ij
ol. de roremarino, therebintinae an drag. s.

Misce pro Unguento. ^{po}

Vel solo spiritu vini calente partes perfricari ^{flunt.}

XI.

In *victus ratione* aër sit calidus & siccus, vel naturâ vel arte.
 Cibo utatur calefaciente & siccante, ex pullis, caponibus, galli-
 nis & aviculis assis. ova etiam sumat sorbilia. abstineat à carne
 suilla, piscibus, & sorbitionibus. Ad diem decimum quartum
 usque, cibus sit valde parcus: siquidem famem & sitim tolerare
 plurimum in hoc morbo auxilii præbet. Potus sit paucus: uta-
 tur aqua mulsa bene defæcata, & subinde etiam aqua cinnamomi
 & vino Hippocratico. Exerceantur partes resolutæ moderatis
 frictionibus. Somnus vitetur longus. Alvus mediocriter fluat.
 Animi perturbationes fugiantur.

COROL.

COROLLARIA.

1. *An omnes Epileptici sint sanabiles? Neg.*
2. *Epilepsia non fit ab obstructione ventriculorum cerebri.*
3. *An aliturae inserviat attractio? Neg.*
4. *An radicatio venarum sit Epar. Aff.*
5. *Pleuritis non tantum habet ortum ab inflammatione pleurae & musculorum intercostalium; sed etiã partis pulmonũ lateralis.*
6. *Temperiem & intemperiem in solis 4. primis qualitibus consistere, sufficiens non est.*
7. *An cerebrum motu proprio moveatur? Neg.*
8. *Utrum Cor? Neg.*
9. *Signa commode ad causam tantum & effectum referri possunt.*
10. *An arteria simul attollantur ac deprimantur cum corde? Aff.*
11. *Quaeritur an audacia & temeritas dependeat à corde vel parvo vel magno? Neg.*
12. *Ungues & capilli inter partes corporis recenseri possunt.*
13. *An Octimestris fœtus vivere possit? Aff.*
14. *Impossibile est ex Parentibus, Gallica lue infectis filium, sine eadem labe nasci.*
15. *Nativi caloris vera causa dari potest.*
16. *Utrum urina per venam emulgentem transeat ad renes; an vero per arteriam? Neg. prius*
17. *Corpus solo ali sanguine Affirmamus.*
18. *Sensatio omnis proxime fit in cerebro; non autem in externis sensoriis.*

F I N I S.


00 A 6396

ULB Halle 3
002 928 167



St





manfiles,
ta spina dorsi, partesque spal-
ento erunt inungendæ & fo-

. an: vnc. j s. irini drag. iij.
unguenti Agrippæ an. vnc. s. F.

cedant, utatur hoc balneo ter
ex eo debilitatem:

si an. vnc. vj.
absinthij. origani an. m. ij.
liloti, stechad. an. m. ij. s.
anisi an. lib. s. Coquantur in aq.
addendo inter coquendum vul.



MEDICATIO MULIERIS
EX
HEMIPILEGIA
PARALYTICÆ:

QVAM

Deo Opt. Max. auxiliante,

PRÆSIDE

VIRO CLARISSIMO

D. HENRICO REGIO,

Reip. Ultrajectinæ Poliastro, & Medicinæ
ac Botanices Professore Ordinario,

Publico examini subicit

IOHANNES GUALTERUS, Amstelo-Bato

Ad diem 26. Aprilis, horâ 9. matutinâ.



Naturâ & Industriâ.

TRAJECTI ad RHENUM,
Apud PETRUM DANIELIS SLOOT,
ANNO M. DC. XLV.

